

Saksprotokoll i 30.01.2020 - planutvalet

Terje Søviknes , FrP, sette fram slikt alternativ forslag på vegner av FrP og Høyre:

«1. Planutvalet sluttar seg til dei tre overordna måla for Regional planstrategi 2020-24;

- Mål 1 Berekraftig konkurransekraft som premiss i samfunnsutviklinga
- Mål 2 Lokalsamfunn som ramme for gode kvardagsliv i heile Vestland
- Mål 3 Vestland som verdiskapingsfylke nr 1

2. Fylkesrådmannen får i oppdrag å omarbeida strategiane til desse hovudmåla.»

Anne Gine Hestetun, A, sette fram slikt forslag på vegne av samarbeidspartia A, SP, MDG, SV, Krf og V:

«Planutvalet legg til grunn at regional planstrategi og vektlegging av dei ulike berekraftmåla skal bidra til å styrkja nærings- og folketalsutviklinga i fylket

1. Planutvalet sluttar seg til dei tre overordna måla for Regional planstrategi 2020-2024:

- Mål 1 Klima og miljø som premiss for samfunnsutvikling
- Mål 2 Lokalsamfunn som ramme for gode kvardagsliv i heile Vestland
- Mål 3 Like mogelegheiter til å delta i verdiskaping
- Mål 4 Vestland som det leiande verdiskapingsfylket og nasjonal pådrivar for eit regionalisert og desentralisert Noreg.

2. Planutvalet meiner dei tilrådde strategiane er gode utgangspunkt for vidare prosess internt og eksternt.

3. Fylkesrådmannen får i oppdrag å omarbeida strategiane til desse hovudmåla.»

Emil Gadolin, A, sette fram slikt forslag:

«Siste setning i første avsnitt på s. 7 i saksframlegget vert endra til:

Som særleg relevant kan vera ungdomens fylkesutval, frivillig sektor, **partane i arbeidslivet**, statlege organ og kommunane.»

Avrøysting

Fylkesrådmannen sitt forslag fekk ingen røyster og falt.

Terje Søviknes sitt forslag fekk sju røyster (FrP, H og FNB) og falt.

Det vart punktvis avrøysting over forslaget til A, Sp, MDG, SV, V og Krf:

- Forslaget kva gjaldt innleiinga vart samrøystes vedteke.
- Forslaget sitt punkt 1 inkludert 4 delmål fekk ti røyster (A, SP, MDG, SV, V og Krf) og vart vedteke.
- Forslaget punkt to og tre fekk ti røyster (A, SP, MDG, SV, V og Krf) og vart vedteke.

Emil Gadolin sitt forslag vart samrøystes vedteke.

Vedtak

Planutvalet legg til grunn at regional planstrategi og vektlegging av dei ulike berekraftmåla skal bidra til å styrkja nærings- og folketalsutviklinga i fylket

1. Planutvalet sluttar seg til dei tre overordna måla for Regional planstrategi 2020-2024:

- Mål 1 Klima og miljø som premiss for samfunnsutvikling
- Mål 2 Lokalsamfunn som ramme for gode kvardagsliv i heile Vestland
- Mål 3 Like mogelegheiter til å delta i verdiskaping
- Mål 4 Vestland som det leiande verdiskapingsfylket og nasjonal pådrivar for eit regionalisert og desentralisert Noreg.

2. Planutvalet meiner dei tilrådde strategiane er gode utgangspunkt for vidare prosess internt og eksternt.

3. Fylkesrådmannen får i oppdrag å omarbeida strategiane til desse hovudmåla.

Siste setning i første avsnitt på s. 7 i saksframlegget vert endra til:

Som særleg relevant kan vera ungdomens fylkesutval, frivillig sektor, **partane i arbeidslivet**, statlege organ og kommunane.